

Zola & Evita, 8/9j.



suechet zäme äs nöiis Daheime i Wohnigshautig

Liebi Tierfründe

Lueget einisch, sy mir nit zwöi härzigi Tigerli? Mir sy Zola u Evita u mir hei nur ei Wunsch: es nöiis Daheime, zäme. Warum? Mir hei es toues Daheime, abr üses Froueli het e schtarcke Chatzeallergie entwickelt, s'geit chum no. U denn hei mir no es Bébé u e chranke Hung. Isch aues es bitzeli zviu grad u mir chömme eifach z'churz. Drum!

Mir sy 8 u 9jährig, kaschtriert, gimpft, chippet, schtuberein, sähr mönschebezoge, verschmuest, lieb u pflägellicht. D'Zola schpiut für's Läbe gärn, mit auem u jädem, sie isch ufgschlosse für alli nöii Schpiu. Hesch Du Idee, was mer aues no so schpiue cha? U sie räd gärn u verzällt Dir, was sie grad bwägt. Muesch nur immr guet zuelosse, gäu?. Sie isch gsung u het sogar e Tierversicherig, die chasch übernäh. Ihri Fründin Evita schpiut ou sähr gärn, abr sie isch echener d'Gnüssere, sie cha schnürrele u schmüsele wie e Grossi. Sie het leidr chei Zäh meh, hei sy mou alli müesse usse näh, siitdem geits ihre abr guet u sie cha ou aues ässe, cheis Problem. Sie wird die Täg no vom Doc dürechecket, het es bitzeli abgnoh u sie vermuete öppis mit dr Schiuddrüs. Das wär abr nid schlimm, da git's Medis u damit isch das denn ou erlädigt. Mou luege, was dr Doc seit.

Mir sueche wiedr zäme es Daheime bi liebi Lüüt, di wo üs uf Läbensziit wönnt verwöhne. Ohni Ching und angeri Chatze. Mir chenne Hung, cha, muess abr nid sy. Was muess sy, isch e gsicherete Baukon zum Sünnele u Vögeli beobachte. Das isch schpannend! U e grossi Wohnig mit vii Platz. Ganz usse wönnt mir nid. Wobie: zu eme gsicherete Garte würdet mir ou nid nei säge. Isch sichr ou schpannend dört. Chönntisch Du üs so öppis biete? Hesch Du chei Chatzeallergie? Abr derfür vii Ziit u Luscht zum Schpiue u Schmüsele mit üs? U chei Ching u angeri Chatze? Ou zukünftig nid? Ja? Das wär's. Denn müesst mir üs unbedingt lehre chenne. Ach ja, mir wohnt derziit z'Solothurn, zügile abr gärn zu Dir, wo ou immr Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Was meinsch, bsuechsch Du üs einisch?

Dini Zola&Evita



Katze sucht Mensch - Mensch sucht Katze

Sonja Ball

Tel.Nr. 079 333 45 62 (werktags 18-20h)

kontakt@katze-sucht-mensch.ch